



0092860

雪聲軒詩集卷六

高密

高



析居集

起丁未九月  
至戊申三月

余少讀書見古人三世同居七世同財者心焉慕  
之謂家法必當如是也今也兄弟五人幼穉盈室  
以居以食 大人心力幾何爰別賃數椽於城南  
携我婦子栖止其中減累以分親憂貧所迫也雖  
定省仍可以時安飽原非所計而朝蔬不共大被  
常寒檢點初心良深浩歎悲歌互答無非窮者之

雪聲軒詩集卷六

一

言而已

移居五斗齋述懷三首

茫茫塵海一舟移依舊浮踪未有涯忍見慈烏飢哺子  
苦煩病婦巧為炊節經重九花開後風過長安葉滿時  
正是悲秋還索處不堪鴻雁影參差

時家兄崑源移居  
鐵門篋谷將之錦

任州

深巷閉門淨少埃故人只有兩三來舊遊慣被重城阻  
幽夢今無曉漏催隣樹有情分幕障貧家何事藉樓臺  
里名五斗綠誰昉天遣先生且撥醅

鄉國寧嗟賃舍居足遮風雨樂何如地偏漫擬春調馬  
窓暗惟宜夜讀書城角鳴鳴風迤遠禁鐘杳杳月生初  
年來妄念消都盡只願田間一草廬

次韻答兩顧二首

琴樽寥落感離居喜發清音賞饜餘共許同來傾社酒  
自甘無分卧官廬窮如韓子寧須送病到維摩却易除  
十二時中還往便東家許我借騎驢

漫憐人海轉萍根畢竟風光是故園一榻暫教魂夢穩  
三冬且避雪霜繁孤鴻可許排雲路病馬空勞憶塞門

雪聲軒詩集卷六

二

天遣與君尋舊約話長燈火夜溫磨

次韻答容民并呈家兄崑源二首

息闕隨分著棕鞋巷陌相望意頗諧遣興舊曾尋酒伴  
長貧今只學僧齋愛聽軟語留君住不入名場莫我排  
除却吟風還弄月未知何事屬吾儕

瓦屋三間讓客堂陸家兄弟意俱長人情舊而非今雨  
身事詩囊更藥囊索米未能同曼倩乘船那復笑知章  
玉城從古皆堪隱漫憶西湖大隱坊

疊前韻答徐桐村編修二首

有錢也不繫芒鞋落拓行踪到處諧就暖雁先辭北地  
向陽屋喜近西齋甕頭許撥驢能借徐善家釀閣禁如嚴闥  
可排除却頭銜論臭味狂吟豪飲或同儕

我如杯水覆坳堂愛爾飄飄飄興趣長邸閣掃除安客榻  
驢車來往載詩囊數篇絕似元和體重疊難為急就章  
九陌風光君管領可容分占兩三坊

次韻答劉德園二首

又借城南一畝居輸君生計足田廬寒厨乞米遲炊後  
窄巷回車謝客初喜枉新詩如話舊似嘗苦茗得甘餘  
劉郎門徑連花市晴雨相過定不虛

雪聲軒詩集卷六

三

平生不作杞人憂鴻爪生涯到處留九月寒香叢小徑  
三年故國足離愁誰言跌宕琴書裡自覺榮枯草木儔  
那有清思酬雅什明珠應悔暗中投

再疊前韻答沈椒園二首

城南煙火四時春酒肆茶壚許結鄰不為趨朝趨隻日  
何妨移榻出重圍推敲絕少門長掩井臼初安手自親  
家世本無容膝地非闕舍舊又圖新  
賃居依舊似郵傳贏得詩人盡見憐好句相投寧論價

閉門互答可忘年書聲圓美晨鐘後館課優閒夜漏前  
特為向陽安一榻其餘何事不蕭然

次韻答伊垂舍弟三首

平生所拙是謀生斷雁休猜出谷聲太息一城相隔處  
情多轉恨似無情

醞釀窮愁酒病生小牕惟聽藥羅聲君應鑒我前車轍  
莫厭幽居近物情

見說前賢畏後生劇憐至性發清聲不須詩外論詩法

好唱千秋白傅情

香山有古人唱歌兼唱情之  
句時弟手錄長慶集故云

雪聲軒詩集卷六

四

送家兄篋谷之任錦州

帝重陪京地專城慎擇人一年留畫省

兄初任銓  
曹郎中

千里

送朱輪樹動家山色

先世塋墓  
俱在奉天

風清驛路塵憑君承世

澤好慰白頭親

初冬三日查兩顧容民昆季徐桐村編修沈叔

園上舍劉德園內兄家兄崑源集雪聲軒小飲

分得齊真寒陽四韻四首

紙補軒窻壁補泥鷓鷯初穩一枝棲西風欲緊如期至  
好友能來不約齊撥甕香生新熟酒充庖肥有伏雌雞

招尋一醉非無謂為取聯吟特借題

茫茫人海足風塵邂逅論交孰取真何似壻篋兄弟樂

更兼瓜葛舅甥親

桐村為兩顧容民表甥

雄豪莫與鬚劉敵太瘦

惟憐姓沈人入座不知誰主客哄堂一笑早生春

無鹽坐客室逾寬促鄰圍爐且盡歡酒壘誰先浮大白

詩仙我願舐餘丹極知處世閒難得正恐流光歲易殘

却歎孤吟驢背者九衢風雪不勝寒

依約高城下夕陽莫愁短晷漏方長漫言雪月他時會

且放歌呼此日狂擘紙尊前探廣韻分燈馬首照新霜

雪聲軒詩集卷六

五

明朝次第徵詩去殘夜裁縫古錦囊

附同作分得冬支虞歌四韵

查嗣邵

眼看時序又迎冬寂莫何人肯過從高館有期開社

甕小車先遣載吳儂酒徒盡向閑中聚詩客都於冷

處逢洗盞共為文字飲敢將瓦釜敵黃鐘

前後流傳七子詩千秋大雅賴撐支曹劉橫槩原無

敵王李登壇亦盛時趙北燕南古多士吳趨越調競

爭奇祗今誰是扶衰手老矣徒飄兩鬢絲

豈因窮老只憂虞嘉會招邀興不孤臭比芝蘭真一

氣人分出處有殊途但教風韻追江左或可流傳入  
畫圖何獨當場判盡醉明朝火急辦詩逋

樂事無如共琢磨良朋意向酒邊多自憐髮短先拈  
韻却為心孤怕放歌黃葉聲中寒意動明燈影裡醉  
顏酡後期尚擬陪清賞白雪陽春取次哦

出都迎岳總制東美以詩先之

聞說旌旄近歡從道左趨濁醪隨處買蹇衛逐村租夢  
裡先情話愁邊轉歎吁狂夫空老大猶記姓名無

旅邸寂寥忘携書悒

雪聲軒詩集卷六

六

此行總自笑無端何至拋書便拂鞍悞托奚童緣我懶  
空携長劍借誰看荒雞號月偏無夢落葉驚風轉送寒  
寂莫燈前羞顧影浪游真負戴儒冠

早發良鄉縣

又租小蹇過城壕水映殘星尚一篙霜重天開朝日淡  
路岐人望戍臺高布裘煖戀紅爐火茅店香生赤棗糕  
行脚不知何處歇橫空一幙樹周遭

胡梁湖以北積水成河居人牽舟以渡

官道無端漾碧流輪蹄雜沓入田疇眼前咲說滄桑事

十丈塵中一葉舟

安肅縣

沙水粼粼斜抱郭柳林杳杳遠藏村此中不少躬耕地  
那得安心嚼菜根

安肅產菘甲  
天下故及之

收租行

逶迤官道多風塵大車小車聲鑼鑼車中借問何所有  
黃粱黑黍縱橫陳車前執鞭氣鬱勃指揮有人更傲兀  
自言家世蓋幽燕主人日日朝金闕千金不惜買田園  
催租到處惟吾尊曉出何止饜酒肉歸來還復收雞豚

雪聲軒詩集卷六

七

及時力致倉廩實歲歉年豐惟畫一胥吏不敢輕到門  
征稅何須探囊出華堂會計今年多欣然一笑生微渦  
飽食已不計紅腐膏腴更欲空坡陀吁嗟乎造物從來  
忌有餘幾家屋上炊烟孤無田可耕莫歎歎艱難稼穡  
當何如

清苑旅次

得且住為佳耳欲去將更何之茅店五更鐵被霜風千  
里冰髭

六憶詩



兩顧

敲盡孤燈粟粟花相尋有夢喜還家寒窓正好論詩酒  
老雁一聲霜月斜

容民

為有江郎筆底花賦裁恨別苦思家秋風已過明年有  
江上蒲帆十幅斜

桐村

只消酌酒與看花無事蓬萊好佳家料得歸時詩債了  
一篇為我草橫斜

雪聲軒詩集卷六

八

椒園

沈郎太瘦比梅花冷伴松筠住我家回首劇憐分手處  
霜風獵獵帽簷斜

德園

滿甕香雲滿市花黃公壚更近陶家一枝好為收留在  
買醉來時插鬢斜

家兄崑源

背城流水出城花多事匆匆又別家正值相思無賴甚  
南來雁字一行斜

懷崔用齋

誰與挑燈話昔年  
巴山回首不勝憐  
馳名蠻徼年猶少  
傳檄邊沙路幾千  
闕食妻孥猶且在  
無情鴻雁若為傳  
冰霜早晚回春色  
想見安車別駕還

即事志感

郵亭背城西深院  
喜便靜卸裝三日來  
酌酢不待屏言  
念兩三交吁嗟隔岡嶺  
鬧市見高衙胥卒例  
豪猛自顧塵土容  
嬾復升堂請低頭  
入陋巷門闌陷深窞  
主人未歸來幼子衣  
無領敝裘脫相贈  
氣在不自冷榮悴亦何

雪聲軒詩集卷六

九

常物理實平等  
霜根或萌芽草露在  
俄頃奈何行路人  
掩鼻異縮頸所以古  
昔賢念此日三省我  
心聊靜觀非醉亦非  
醒太息倚茆檐雞聲  
移晷影

題寄諸同人書後

纔卜清歡比竹林  
誰教離緒便相侵  
酒壚到處堪謀醉  
詩境無塵不易尋  
異地人情孤客淚  
殘年風景故園心  
題書未了還成句  
莫問狂吟與苦吟

客夜

燈樣垂垂白  
爐銷寂寂紅  
漏沈霜氣外  
人坐雁聲中

寄兩顧蕙簡椒園

羈孤無伴最思君  
白日閒眠到夜分  
靜院但聞風落木  
遙天生怕雁離群  
詩篇寄去酬應徧  
藥物留來餌要勤  
若過城南相慰藉  
莫教瘦盡沈休文

旅居五日店忽易主  
詢知二人率以十日為期  
遞相替代也因感予懷口占一絕

幾日周旋迹已陳  
忽聞笑語又更新  
在家我亦渾如客  
客裏今翻似主人

偶成

雪聲軒詩集卷六

十

怕見茆檐掛夕曛  
無名孤客少知聞  
有時背郭還臨水  
無處看山轉愛雲  
濡墨揮毫空滿壁  
傾囊沽酒不成醺  
憑君試聽南來雁  
咫尺分飛尚叫群

旅夜書懷

靜夜如年永寒衾對影棲  
月隨燈燼暗霜壓雁聲低  
殘歲無停轍貧家付病妻  
西河新賃舍歸夢恐猶迷

初冬三日雪聲軒雅集後相訂望後同集家兄  
崑源齋中茲已屆期悵然有作

盍簪空有約回首苦相思  
詩酒論心日風塵作客時事

同雞肋數人似虎頭癡坐待霜天雁題書指後期  
述懷

迂踈羸得是無聊腸自盤迴膝自搖薄醉空消羈旅日  
狂歌何補

聖明朝故人有約還思赴殘歲辭家未忍遙只有霜風  
伴燈火破窓終夜響調調

喜晤岳總制東美話舊四首

家聲承四字

公為忠武王  
二十二世孫

勲業仰三台沙塞今初靜蠻

疆古未開望公如望歲憐我豈憐才何意冰霜裡春風

雪聲軒詩集卷六

十一

首一回

誰識騎驢客三公一故人到門省刺謁促鄰更情親豈  
不思歸蜀何堪憶客秦頻年懷抱惡一見氣先伸

憶昔追歡日多從塞上遊河湟新置郡松嶺舊名州茹  
鼓依稀夢年華荏苒流平生知己分感激涕難收

棄置身闕命蕭條病是貧但須論管鮑莫更說朱陳

子

去歲  
天折

我只青氈舊公猶白髮新

君恩家世在欲報竟無因

次韵寄酬沈養齋茂才二首

曾在吳山醉幾場聞名已似勝登堂傳來家令郊居賦  
想像書帷水竹莊交比荀陳初結契今夏與尊甫泊賢  
昆締交即延令弟  
椒園下  
榻荒齋圖成主客假餘光張為有詩  
人主客圖祇除未讀西溪集

頻憶元方問季方

乘興畿南蹋雪回

時余初從  
保州回

驪珠忽捧百餘枚夢中顏

狀欣先識

用韓  
孟事

吳下菁華屬雋才未必羸蹄堪並駕若

談榮路欲浮杯

來詩有不知何處佳山水  
值得風流太守來之句

論文要在常

情外何取風塵事往來

徐桐村寓齋晚歸

空聲軒詩集卷六

十二

閑人每赴冷官期茗椀清談欲別遲接翅寒鴉歸去盡  
已應栖滿上林枝

桐村壽詩二首

尚書遺韻溯由拳繼起家聲二百年生世本由神降嶽  
致身早到木為天珠璣滿口隨風落道義根心比鐵堅  
百歲三分纔得一蓬萊群羨小神仙

條水相對豁塵襟似水交情漸漸深萬事浮花寧着眼

一燈借酒獨論心風期遠在雲霄上氣色寒歸松竹林

最喜日邊初度日西山晴雪耀高岑

對雪用東坡韻二首和椒園

滿眼空花笑積纖興來酒禁豈能嚴人堪相對渾如玉  
句不求工漫擬監細乳最憐翻若鼎碎聲時聽墮風檐  
郢歌一曲真難和慚愧頻呵凍筆尖

老樹空枝冷聚鴉往來窮巷少輕車非仙尚候爐中火  
如掌曾看塞上花同調無梅開靜院交輝有月到貧家  
何人簑笠寒江上時傍魚砭一舉叉

再疊前韻和容民

誰裁雲片散毫纖瓦壠初平氣漸嚴薄酒那能澆塊壘

雪聲軒詩集卷六

十三

煎茶何意品薑盞曉憐被冷翻高枕夜喜窓明近短簷  
要識陽舒陰慘意草根沒處已勾尖  
乘興誰能似凍雅較量策蹇勝乘車未垂檐溜條條玉  
及看枯枝樹樹花虛白易消雖幻境軟紅不到即仙家  
衝寒絡繹傳篇咏詩膽輸君直過叉

三疊前韻和兩顧

天花故故隕纖纖應為詩壇鬪律嚴舞去只疑風捲絮  
銷來欲借水和盞蟾宮桂愛籠虛幌鶯管冰憐綴破簷

李義山詩簷

水滴鶯管除是陽春愁和寡肯教何事上眉尖

一色元陰莫辨鴉便翻縞帶去隨車韓退之詩隨車翻縞帶飛鴻

泥上尋餘跡橫笛聲中憶落花分少綠疇堪種玉心安

白屋近移家 明廷嘉瑞應多頌可待詩狂賦八义

附同作 次章示容民

查嗣邵

不道成堆始積纖無風勢比有風嚴難禁朔氣疑元

澤試望西山似白鹽冰作蛟龍蟠老硯花翻蛟蝶舞

前檐長鏡有客空歸去沒盡黃精一寸尖

鄉信初占甲乙雅時得家信客懷如輟四輪車茶烟竹屋

頻年夢瑞葉瓊枝過眼花破甕有釐堪送老殘冬無

雪聲軒詩集卷六

十四

夜不思家莫愁出處終寒餓或有詩名繼島义

四疊前韻和兩顧

欺得葭灰六琯纖同雲更比北風嚴苦寒已縮蝸牛角

作戲猶搏虎子益壯志昔慚貂換酒虛窓今喜玉為檐

不知何處歌鐘第簫管依然弄十尖

又看暝色到栖鴉歎息殘年似走車寒地生材餘黛栢

幽人擁被有蘆花苦吟搥是陽春曲遠道休尋處士家

冷淡生涯惟我輩不辭凍手為頻义

附同作

查嗣邵

思比纜車引緒織味如餐桂有餘嚴探驪輪尔先懷  
寶賦海慚余又補鹽積素連雲迷望眼疑光替月映  
虛檐欲尋僧舍疑無路不見精藍見塔尖

柳邊着絮不藏鴉轍迹纔平又過車三白人皆占瑞  
麥一尊我當賞梅花冰魚入饌休彈鋏凍笋堆盤又  
憶家賴是一寒憐范叔漫天風雪任交义

五疊前韻和兩韻

一綫微陽力尚纖真須滿酌破冬嚴妻能耐冷甘披絮  
兒稍知書解笑塩刺滅豈愁風削面枕高常訝月栖檐

雪聲軒詩集卷六

十五

故人更貶山林味茶粒嘗來又笋尖

時兩韻以茶笋相餉故云

上林薄暮早歸鴉遠陌深宵尚過車徃日城南原不夜  
此時薊北可無花七人會裡新詩卷五斗齋頭舊酒家  
天許一時傳勝事興酣矛戟更麈义

送松茂副使李天濤表兄回川兼寄永寧副使  
劉洵南表兄絕句四首

萬里趨朝霽雪前恩威猶藉轄西川鄉人建節今無  
幾好繼家聲入九天

共羨親年白髮踈



聖恩猶未許懸車趨庭訓在惟清白莫寄春江丙穴魚  
詩酒追歡記蜀秦京華歸卧幾經春須知話別逡巡意  
怕作天街避馬人

煩君為我寄相思夢見髯劉落月時三十六鱗江上便

如何不寄海棠詩

洵南次韵留別詩有海  
棠無詩應破戒之句

戲述十韻

夢中得佳句高唱聲鏗鏘覺來一瞬息夢斷句亦忘追  
之已莫及如駿初脫韁伏枕苦輾轉如負必責償不知  
寒日上群雀喧空廊攬衣遽云起欲置仍迴腸平生雕  
蟲技性癖惟篇章如何寸心間得失猶相妨曾聞古癡  
生刻舟記劍鏗佳句在何許還應入夢鄉

饋兩顧藥兼以詩

青囊小技本無竒悟微何須飲上池見膽知君原烈士  
安心自古有神醫調融筋力無過酒長養精神只在詩  
不信但看同病者鍼砭日受尚難治

劉德園以冰糖見遺口占一律謝之

佳境全無蔗和盤揜似銀何期晴雪候來餉苦吟人沈  
瀝疑堪漱元和信有津報瓊殊不易覓句為題新

冬夜憶兩顧

多病深宵倦眼開  
燈前應自劃寒灰  
禁鐘纔發君先聽  
風送餘音出郭來

次韻椒園雪聲軒雪夜二首

一片寒光盡不成  
虛窓高映瓦溝平  
雖辜謝傅庭前賞  
却有坡公句裡聲

東坡詩夜靜  
惟聞瀉竹聲

撥火人還思濁酒  
賃居

天與定佳名  
清宵只合幽人共  
何取煩囂象耳傾

驢背徜徉路幾千  
乾坤清氣在吟邊  
預為稔歲欣三白  
閒閱空花又一年  
玉帳徃時聞角起  
漁舟何日喂簑眠

雪聲軒詩集卷六

十七

且看臘盡晴光好  
殘月猶餘一上弦

雪後東容民十二韻

層空戰玉龍  
鱗甲飛萬斛  
羲和早西匿  
嫦娥亦東縮  
寒聲落虛檐  
晶光透疎竹  
燈影淡書牕  
清興生幽獨  
懷人隔永巷  
閉戶應耽讀  
折簡不可招  
風威凜肌肉披  
裘欲過從  
瑤瑤那忍蹴  
床頭有凍醪  
孤斟意頻顧  
人生幾寒燠  
百年夢閃倏  
但得忘形骸  
何能潤情愔  
輾轉復展轉  
栖鴉飛翩翩  
枕上抽冰腸  
雪中走銀鹿

兩顧置酒醉後戲東

殘年紛紛霜雪盛兩手凍皴風力勁朝來食指動復動  
雷轉飢腸聲忽靜故人得酒錢果為張華筵良庖有靈  
童試手天然工和水膾鱠鯉出土煮白菘醇醖醅城南  
肥甘來關東堆盤凍笋致遠味燎毛燔肉從鄉風憐君  
肺病唇不濕看我到手盃旋空氣酣匕箸不肯放西牕  
落日餘微紅重城醉歸避晚邏擊柝喧器不愁破輕車  
歷鹿從楸籬捫腹難就深宵卧反思失笑忘主賓形骸  
略盡惟天真一飽何須費一萬願君努力加餐飯

歲莫月夜與兩顧作

雪聲軒詩集卷六

十八

先生三冬如蟄龍擁裘偎火圍屏風人間冷暖雙目空  
兀坐直與高僧同虛窻皎皎月在東照耀白雪懸青銅  
我欲徘徊洗心胸先生悄不開簾櫳檢點舊曆年已終  
一回懶與銀蟾逢迴看白髮垂病容曾驅塞馬冰雪中  
我亦短後馳風駿青衫未換猶雕蟲歲華鼎鼎來無窮  
紛紛飛伏誰雌雄

冬夜書懷四首末章專東容民次崑源家兄原

韻

笑比沈淪凍浦魚且安顏巷卧陶廬雪中重和堆鹽句

燈下還鈔夾註書衮衮名場雙翼短茫茫入海一舟虛  
消磨十二回圓月又向明年屈指初

誰憑驛使寄梅花獨把清尊玩物華  
餞歲風聲偏有力  
先春夢境漸無涯  
馬穿玉壘千秋雪  
雁度黃河萬里沙  
回首十年何事業  
瓊廬看舞白題料

踈懶平生只任真  
業荒羞說買書貧  
交情淡到封侯客  
詩價增因作序人  
小几溫磨香鴨火  
素衣抖擻藥羅塵  
每聞隣寺鐘聲起  
擬就高僧問夙因

風塵何處覓新知  
腸斷雍門調裡絲  
凭檻心期花放早  
雪聲軒詩集卷六  
十九

望雲人較雁歸遲  
澆愁無過深杯酒  
餽歲惟憑小律詩  
客邸鄉園同此味  
要知忙處是閒時

戊申元日讌集志感

斗柄回旋改歲華  
春盤爛熳鬪椒花  
殿前得鹿頻燒

尾每歲逼除 頒賜肥鮮雖一品官必蒙 鈔點者始 得全鹿鹿尾 各一二不等大人凡五經拜 賜且校

諸臣為穀必多關外分錫初膠牙錫以壺產為佳家兒 質谷適自錦州寄至送暖且

憑喧爆竹餘寒猶怯捲風沙  
敝裘一領年三十舉坐無

人問孟嘉

春日西河晚歸

到處消閒日吟風出暮城馬隨歸雁緩月赴落霞明蹄  
道冰初釋沙壕水欲生柴門烟靄裡遙認讀書聲

歸雁行

春寒日日生長風不吹芳樹吹驚鴻雲烟蒼莽形影失  
迴翔力盡飛騰術天邊旦晚呼儔伍春聲更比秋聲苦  
勸君秋後莫重來入耳那禁聽者哀荻渚沙洲隨處好  
羣栖何必歸飛早君不見御河兩畔柳絲絲白翎紫燕  
飛差池

春夜

雪聲軒詩集卷六

二十

病骨怯春寒夜久裘屨加急柝喧更靜孤燭殘猶花披  
帷月已上雲淨光無瑕旋見暈生風風來吹月斜徘徊  
復徘徊惜此春月華變態在俄頃悵望空吁嗟

雪聲軒與兩顧夜話

忍教踪跡隔層城此夕依依對短檠卧病維摩千偈了  
論文杜甫一尊清空堂更覺春寒峭缺月渾同曉日生

時仲春  
廿三日

回首廿年魂欲斷青袍白髮兩無成

春日卧病戲東容民

空齋寂莫意何如酒病懨懨未易除一篆爐烟花氣外

半檐晴日鳥聲初詩情漸減綠炊藥夢境還佳為枕書  
何事文殊虛問疾懸知又歎出無車

卜居未就用容民種花前韻作以解嘲

吾鄉風俗殊十人九賃宅紛紛催租人日日踵行跡推  
移東復西苦覺重城窄我亦等萍蓬倏忽歲月積夙志  
笑輪囷廣厦期衆獲竟無宅一區容此軀六尺卷軸漫  
論千食指乃倍百何當具扁舟漂泛江湖白藏名諒未  
能一枝可不擇寓形蘧廬內百年祇過客曠懷禦寇徒  
甘狎漁樵席方春景好在是處堪遊適曲檻帶高樓翠  
深映紅陳風光非我有歎羨知何益一咲豁新愁三杯  
餘舊癖

雪聲軒詩集卷六

三

三十初度絕句六首

驚心歲月易推遷有願難成祇自憐豈敢向人誇少壯  
搖頭已近二毛年

不用人推十二宮安排心跡任窮通空傳已卯嘉辰好

豈有才名比阿同

東坡有已卯嘉辰壽阿同之句

天涯何處不知津匹馬扁舟最苦辛此日高眠翻過分

生來孤矢傍風塵

余生于信陽州故汝

往事何堪首重回  
壯心寸寸欲成灰  
一龕但得容雙膝  
不羨中郎騎省來

雖然一擲不成盧  
未肯哀歌缺唾壺  
欲識本來真面目  
尺綃新寫息陰圖

學書學劍兩無成  
何法商量慰所生  
却羨江湖釣竿手  
能為崔髮奉魚羹

雪聲軒詩集卷六

雪聲軒詩集卷六

雪聲軒詩集卷七

高密 高 綱 薑田

息陰集

起戊申四月至九月

傲居屏跡經冬涉春非虞寄之辭官似劉楨之抱  
病入夏又移居於保安寺街取其繞屋扶踈老槐  
交陰塵海中不易得也偶閱北史魏收傳有感其  
事爰繪一圖并以名集

移居三首

莫將蘧屈比鶯遷漂泊東西亦夙緣親舍晨昏愁校遠  
雪聲軒詩集卷七

雁群咫尺喜重聯西河新水初平闌南郭名花正滿田

豐臺芍藥栽植如田準擬詩題開社甕軒名早被友朋傳

依然蹤跡似萍浮猶喜圖書四壁留舊友倘來還解榻  
新愁無賴一登樓日長遣疾無過靜性癖耽詩只取幽  
况復閑階餘隙地多栽萱草且忘憂

南窓安穩枕書眠寂寂銅爐一篆烟巷逼旗亭芳草路  
陰連僧舍綠槐天踈花買得衰籬落幽鳥啼來當管絃  
從此編詩名最好直須題作小游仙

家兄篔簹谷寄馬戲占絕句四首



五馬分將一馬驄名駒爭美出關東馳驅王路應千  
里駿尾先看起朔風

日把吟鞭縱所如不遊花市即僧廬從教誇向朝天客  
底用東家借蹇驢

瘦骨鋒稜亦自竒雖非伯樂也能知試吟盡力傷心句  
轉愛收蹄伏櫪時

壯懷肯付缺壺歌且託嘶風却病魔一束青芻賒易飽  
燕臺莫問價如何

寄查端木

雪聲軒詩集卷七

二

初聞辭幕府每歎少音書逆旅歸應早貧交意肯踈文  
園仍卧病槐陌又移居澤尔消岑寂清風一榻餘

待雨

一聲幽鳥收餘暝森木沈沈綠不動舉頭日匿西南天  
千朶竒峰巧補空怒雷笑電次第來雙燕不知猶舞弄  
欲雨未雨轉鬱蒸清風一縷誰先送已知郭外閑棹甕  
籬畔叢芳纔手種天地寧私小草心會見甘霖慰黎衆  
約諸同人游陶然亭因雨不果悵然有作

破曉煎茶待盞簪勝遊準擬豁煩襟及看籬畔滴清露

忽訝雨聲生密林佳處亭臺空掛夢幽人聚散最關心  
牀頭一甕雲猶在晴日還容補醉吟

晚晴再疊前韻約諸同人明日往遊

為阻清遊髮懶簪高眠無計得開襟雲歸忽漏殘紅日  
鵲喜頻穿濕翠林急報酒徒堅宿約共攜蠟屐遂初心  
吾儕一醉皆天意要遣多番費苦吟

明日又以事阻三疊前韻柬諸同人

晚晴依舊約朋簪豈料朝來又拂襟空憶孤亭環水竹  
尚遲一醉傍禪林若因風雨翻無恨不負烟霞獨此心

雪聲軒詩集卷七

三

未必閑游皆分定從教一例付狂吟

花籬初就四疊前韻荅桐村

土鬆容易出瑤簪

放翁詩土鬆  
香草出瑤簪

便插芭籬護翠襟長養

瓜壺充儉腹扶持花藥傍喬林香清枕簟拋書夢路隔

烟霞倚杖心待得秋宵明月上遲君來聽草蟲吟

晏坐書懷六疊前韻和桐村

門辭賓客髮辭簪坐穩蓼牀免捉襟慣聽疎鐘渾梵侶  
未焚破硯愧儒林情知寓物非忘物事不經心有會心

若問迤來消遣法壁間添得短長吟

載酒何時見墮簪哦詩且得散幽襟  
勞薪紛積仍歸爨倦羽依棲豈擇林  
酒債釀成耽茗癖病魔恰遂杜門心  
不堪往事重回首入蜀軍籌出塞吟

兩顧壽詩

才大寧邀筆硯靈逍遙叅透漆園經  
青袍未老封侯骨白髮長瞻處士星  
座對西山來爽氣夢回東海笑浮萍  
尊前重唱幽蘭曲莫遣沅傳俗耳聽

西隣棗花盛開戲占一律

只隔陰陰幾樹槐堂前何用手親栽  
風簾翠色斜斜入

雪聲軒詩集卷七

四

月檻清香細細來卧病詩成還淡宕  
欵門客去亦徘徊

主人自愛新分竹

時主人出守某郡

付與東隣作勸杯

雨中卧病

簷瀑淙淙苦未休病中蕭瑟氣如秋  
自憐當暑偏拋扇誰信空齋竟枕流  
白晝幾何同睡燕綠陰如此少晴鳩  
却欣塵俗無還往只有新詩自唱酬

墨葵

繁英曾賞蜀中姿眼眩驚看異舊時  
不逐輕黃爭照日任將淡碧化為緇  
香侵書卷風微別影上闌干月不知

莫向紅塵怨流落最宜獨立伴臨池

家兄崑源為余買竹不得賦呈二十韻

九夏困炎灼脾病復浸淫移情事花藥小草難成陰欲  
買有節竹伴此無絃琴長身古君子可愛更可欽低昂  
翠鳳舞清越碧簫音開簾餐秀色勝啣百濟葎敲門誰  
家有結想在遙岑三五廟市集此君或可尋欲往慰所  
思扶頭頭涔涔吾兄篤情好相顧愁不禁謂可療我病  
不避溽暑侵跨驢走相覓有翠鬱成林急問價幾何云  
已售一金如遇莫逆交握手旋分襟歸來坐惆悵索酒  
呼共斟思而不我即此語豈自今我願原太奢貧病想  
璆琳那知紅塵中亦有嗜愛深但能公世好何必獨懷  
琛會訪買竹者與之結同心

容民壽詩

一年最好中秋節恰是先生初度辰自有虛明如月爽  
更無點綴只情親高談每欲輕餘子健筆何嘗着點塵  
豈獨兒曹應下拜

兒輩從君受業

低頭我亦伏容民

哭三早兒四首

瘦骨玲瓏最可憐冠群恰稱綵衣聯膝前行見六七尺

掌上空擎十二年，翻愧知醫成束手。漫勞轉語說登仙，更無長物堪為殉。忍對秋風颺紙錢。

崢嶸待汝慰蹉跎，我已窮愁卅載過。命短徒誇三事早，

卜者謂兒當有三早之奇故名

病餘轉覺一身多。齋前燈火鐘仍動，屏

上規箴字未磨。贏得孤魂頻入夢，夢中相見欲如何。

蕙折蘭摧總莫論。

幼子於乙巳三月夭折次女于丙午仲冬病殤

可堪更喪石麒麟。

麟人間竟負詩書債，地下翻從弟妹親。懸艾當年何太

喜。

兒生于丁酉端陽前一日

題糕前日已含顰。

于戊申重陽卧病遂不起

燕雛吟

得傷心向不是蘭成也，愴神

釋兒甫十齡于其兄疾篤時閉戶獨吟有感兄一病

雪聲軒詩集卷七

六

最傷心之句

痛定悲來轉不支，寸心默默汝應知。一歸泉路誰堪托，重認金環我尚期。曉日虛窓開卷處，暝烟深巷候門時。豈無夷甫千行淚，為近高堂不敢垂。

長歌行送敏菴家兄赴鄒平任

秋天颯爽長風吹，雁鴻群起飛參差。送行欲別不忍別，親朋滿座酒滿卮。半酣笑語咸稱賀，我有一言告在座。兄當少壯氣雄豪，竒骨曾受風塵剝。憶昔作宰古延川，可憐墟里無炊烟。招徠盡使復耕鑿，政成屈指剛三年。

自教小邑思借寇肯藉大官為入奏由來失馬得平安  
祇惜還鄉成老瘦一朝雷雨起卧龍意外

召對明光宮如天

聖主回春風製錦更談京畿東東魯原是聖人鄉溯源  
况我父母邦百里曾聞盡絃誦千秋幾見稱循良男兒  
一身繫家國如此遭逢難再得吾兄吾兄須努力酬

恩豈在高官職

懶眠集

起戊申十月  
至己酉正月

年來遷徙無常為詔租者所擾殆無寧息近貸得

雪聲軒詩集卷七

七

二百千卜宅於懶眠衙之南雖無沼可漁無園  
可灌蕭然一榻偃卧三冬且適閑居之樂過此以  
往一廁朝班將勿暇懶與眠矣

懶眠衙新居志喜二首

菜市街西南陌頭顧名應許我優游雖非陸氏雲間屋  
差勝張融岸上舟酸綠冬菹新嗜好香清藥裏舊綢繆  
眼前豈少連雲第雙膝能容志已酬

百千錢果可通神斤斧寧勞手自親斜日恰宜舒病骨

宅全  
西向殘年猶得作閒人時子將  
補郎官徐陵苦為營三徑此宅  
賴徐

玉成謂錢香樹編修  
錢起今推第一隣  
從此狂吟無敗興  
催租聲已付前塵

為徐桐村壽

蛾眉班裏絕竒才  
日日蓬山橐筆回  
自與列仙同壽筭  
寧須賤子賦臺萊  
石交屈指真無幾  
齒序隨肩或許陪  
一醉但思援往例  
去年祝嘏  
留飲而歸  
最先騎馬犯寒來

苦寒行呈兩顧

同雲慘淡天忽低  
天風匝地迷東西  
匹馬伏櫪空連嘶  
群雞斂翼不敢啼  
十二時憑誰點檢  
夜愈增長晝愈滅

雪聲軒詩集卷七

八

半檐殘雪凍猶飛  
一種孤燈寒自颺  
大呼煖酒救枯餓  
小僮蜩縮蒙頭臥  
地上爐灰撥始然  
牀頭瓦盆粘已破  
坐聽風聲轉怒踞  
愁魂黯黯心叨叨  
已悲箭激歲又暮  
還嗟室邇人真遙  
此時空堂應獨宿  
肺病困頓消肌肉  
我無香飯飽杜老  
誰贈緋袍憐范叔  
君家才名推怒虎  
世上功名拾芥取  
可憐日夜望我貴  
二十年來忍羈旅  
吁嗟乎丈夫不得  
廣厦千萬間  
一身飽煖何其難  
與君努力當歲寒  
歌罷空令熱肺肝

帝城如海浩無邊九州萬物來蟬聯三五廟市車馬寔  
盛事相傳四百年城南兩寺開創先於今蕭瑟堆瓦甃  
城中兩寺東西偏斬新棟宇輝丹鉛重城幾處相貿遷  
盛衰此亦寧關天佛閣宮堯作市廛門外擊轂中摩肩  
日日袞袞飛塵烟有僧無地容叅禪人間服食真豐全  
耳目應接疇能專越羅蜀錦光爛斑齊紈魯縞爭新鮮  
珠翠鏤琢為釵鈿金玉切磋成寶鞍奇禽異獸還拘牽  
蠻珍海錯迷腥羶冰雪留生朱夏寒花樹發向玄冬看  
周之占與湯之盤囊以綺繡架楠梅衣裘摺疊高於山

雪聲軒詩集卷七

九

大呼索價尤囂閩詩書亦復廁其間狼藉滿地皆殘編  
狂夫病起行蹒跚酒外無物堪垂涎歸來窻几靜悄然  
洗琰獨酌揮長箋

附同作

查嗣部

野人眼界窄生長在蓬華所食惟菽麥所衣止布帛  
一朝入廟市目眩迷五色雲霞氣蒸蔚金翠光狼藉  
差肩接踵去頗愧物未格摩挲每借問鄉音人不悉  
紅紫亂紛披疑是天孫織珍玩色爛斑閱世必千百  
因知物之尤摠聚豪華室乍從朱門出復向朱門入



得失相循環流轉無終極厚價主人傾狂利閒人獲  
購者曾不知旁觀為歎息日暮空歸來青衫垂破幅  
拂拭車馬塵落月照几席破硯傳百年寶之如拱璧

桐村置酒招飲醉贈長歌

徐陵個儻才思多日日簪筆金鑿坡俸錢所入不自給  
得暇未肯閒消磨折簡來招冒霜曉門前為我雪全掃  
故人情義如酒濃遽起衣裳為顛倒到門不見車馬停  
靜院但聽磬丁丁頗怪高會何幽清一枰先對我伯兄  
更有瓜葛舅甥親談諧爛熳皆天真謂容民入座無復論

雷聲軒詩集卷七

十

主賓酒壺傾瀉不計巡最後一客來何晚肺病不飲亦  
不飯適性何須苦死留留取新詩任空返兩顧扶病而  
來留詩而去  
形骸脫略無拘縛酬酢興酣雜嘲譎轉愛書窓日向低  
可惜蛾眉月易落吁嗟可惜蛾眉月易落

初除兵部容民來賀值余卧未起投詩見嘲次

韵答之

正欲留君發舊醅如何興盡掉頭回乞君莫作麤官看  
更訪袁安卧雪來

亡兒三早百日詩以哭之

生兒彌百日賀客來滿堂旁觀亦色喜俗例同奔忙憶  
汝初生時高堂羅酒漿正值中秋節明月揚清光豈知  
集肩鳳不待假羽翔奄忽已百日冰雪埋北邙嗟我貧  
病軀前日除為郎鶉衣尚百結未及陪駕行汝母無健  
時呻吟日在牀無人往澆酒竟夕食未嘗可憐汝弟妹  
左右紛趨踴見母淚如雨一一神徬徨况聞郭林宗謂  
三愛女亦天殤聊曾約婚嫁弥令增慘傷人生期百年  
誰能保存亡定命固莫強深情寧遽忘含顰望阡陌涕  
泣沾衣裳剪紙為招魂仿佛侍我旁

雪聲軒詩集卷七

十一

戊申除夕次韻和伊垂舍弟

莫歎貧家景趣殊時來也換舊桃符因酬小謝清新什  
更續詩人主客圖西顧容民皆有和章櫪馬憐君思奮迅韉鷹笑  
我待招呼他年好記香山白富貴粘身擺得無

春日雪中邀錢香樹趙朗岑徐桐村三編修小酌而余適感風寒家兄崑源乃為主席率賦二

十韻索諸君和

移居得芳鄰

錢為東鄰趙為南鄰

殘年少迎送劇思聚一堂頑鈍

藉磨礪幾日歲華新大雪平小弄

弄同衙見南史

三仙縹緲來

翩翩騎白鳳入座問主人相視各駭恫嗟我多病身怯  
防偏易中譬之敬澗松霜雪苦凝凍吾兄寡笑言家風  
守朴慙良時接勝流頓覺發狂縱為我娛嘉賓撥此雲  
一甕雖無黃耆粥鄉味春盤供謂遼產也努力勸加餐猶非  
割月俸鬪酒更賭棋子聲隔帷幪依稀伏枕聽欲出困  
移動諸公登蓬萊文皆過屈宋旗鼓噪詞壇知非我可  
共豪飲或庶幾乃先墮醉夢客散主不知雪深雲更重  
一歡天所慳未許同喧哄亟請賦新詩為我愈頭痛

附和章

查嗣邵

雪聲軒詩集卷七

十二

薑田真詩仙覓句有鬼送疾如風飽帆新比穀出龔  
日課效宛陵拈筆不停弄更似孟公豪客到少題鳳  
打窓連夜雪愁坐劇恹恹折簡招貴游寅律太簇中  
正宜刻燭吟酒氣可釋凍何人暖鴛衾醉睡真癡恣  
我時撥寒反想像何豪縱鮮烹八梢魚香浮五斗甕  
鉅釘紛雜陳羊麪勿為供典裘樂永夕恃有秋季俸  
奈何感薄寒未飲頭先幪天公故戲劇食指翻不動  
醉吟兩無分如六鷁退宋却憐置酒人饒涎與我共

枯腸還倔強險語出睡夢朝來遙詩筒到手金石重

我非飲中仙側耳聽笑哄此詩可不和見獵忘臂痛  
題沈上舍銀漢浮槎圖小照

沈郎家在東海東登高倚嘯生長風翩然一下如飛鴻  
詞源直與銀河通相逢為我傾詩筒久住不厭京塵紅  
披襟忽欲排天空手摘星宿羅心胸尺縑寫貌還寫意  
此意豈在丹青中對君不唱公無渡我是成都賣卜翁

夢見三早見

孤魂從何來如隨我行坐十夢九見之使我怯眠卧昨  
夢更分明牽衣訴寒餓呵斥固不忍憐惜復無那我甌  
每生塵我裘久脆破未能苦低眉枉被富兒唾生死固  
殊途魂夢同坎坷頓令歌嘯懷驚醒淚交墮

喜雪

天街寒禁未花草春雪尤校春風好春風但拂柳條新  
春雪已見豐年兆貧家也覺生光輝那忍呼童揮帚掃  
淪來茗椀夜眠遲映徹書窓天曙早高風閉户卧袁公  
健筆苦寒吟杜老我身骯髒今何為但對空花酌清醪

雪月

獻歲月初圓連天雪晴後一珠墮玉盤光疑不能走只

疑雪卽月轉愛星聯斗不見明月痕安知積雪厚乾坤  
一空靈萬籟皆烏有茫茫寒色中顧影徘徊久清氣滿  
詩腸何須澆濁酒

雪中邀容民桐村葦溪家兄崑源小酌兼賞指

頭面屏

平生慕朋儔日日期合併有約恐不來一一自造請晴  
空忽飛花更得清幽景開尊對冰雪我輩真耐冷四壁  
列短屏頓覺茅茨迥盡理愈翻新天機洵莫竝珍惜付  
兒曹鑒賞與公等坐久聞嘆蹙眼中有真境短晷雖易  
殘明燭先可秉棋莫笑輸贏酒須到醅酌春盤先勸飴  
巴歌擬和郢取樂亟偷閑吾將趨面省

期兩顧不至

先生肺病來如期三冬困頓例不支壯心逸興安可遏  
有時拂袖還驅馳去臘平安真可喜蚤暮無煩勤藥餌  
病魔戰退精力強旗鼓今當出壁壘春盤餽飭清尊開  
折簡坐待春風來豈知層城隔咫尺使我悵望空徘徊  
寂寞寒窓吟抱膝彈缺不歎無車出靜中守氣如懷璧  
擾動翻愁或再失却藉絨題致繾綣畢竟輸君意深遠

他日為歡期未晚男兒願得身常健

附答詩

查嗣邵

欲吟不吟我之性欲飲不飲我之痛是身已作在家  
僧那復敢與詩酒競短衣匹馬二十年踏徧天下名  
山川舊遊歷歷皆如画尔雅可註詩可箋聞君堂上  
張畫屏峯巒有勢水有聲到眼恐似昔所經未免感  
觸涕泣零回看雪意如相阻苦寒應仗天公護急書  
報扎付長須他日晴和我自去坐中無我少謹浪固  
知必有詩相貺特留餘地待酬君要讓君才作原唱

雪聲軒詩集卷七

十五

家兄崑源招同容民桐村葦溪小飲再疊前韻  
佳味萃闈東車箱遙運送鶯黃初撥醅錫白屢經馨吾  
兄分甘餘未忍自嚼弄珍惜如竹實必以飼吟鳳泥濘  
阻軒車寂寞心懷恫折簡待春晴所發期必中幽人次  
第至鵲噪釋檐凍掃門除積雪奔走憐僕蠢乃更呼我  
來謂我素狂縱爛熳相勸酬盡醉倒餅瓮自笑苦病魔  
併廢清茶供惟此一尊酒權作無名俸諸君興漸酣酒  
氣暖出幪拂席對楸枰仙機靜中動我醉竟欲眠萬事  
聾過宋不問誰輸贏無非彼此共宵分局竟時我已回

短夢婆娑前致詞茲會須鄭重真交豈易逢雅好非俗  
哄他時應念我髀肉鞍磨痛

附再和

查嗣邵

迴風吹殘雪虛窓時一送老硯結元冰拒墨不受磬  
空齋燒濕炭有琴不敢弄此時故人廬高梧正集鳳  
伯子治酒漿季也罷呻恫盤飧出中厨客意一一中  
長鬚走相邀拂袖欲踏凍怯寒復中止未免笑迂蠢  
人生無窮達意興原須縱富莫持牙籌貧莫算破甕  
有酒爵不拘無肴蔬可供為樂但及時何必定沾俸

雪聲軒詩集卷七

十六

不見党家兒羊羔斟繡幪一朝歌舞散梁塵疑不動  
却羨雪圍茶風味傳北宋今朝良宴會親朋三五共  
棋聲與酒敵彷彿入清夢我本曠蕩人頗為意氣重  
平生被酒處罵坐不敢哄多病獨蕭條撫枕有餘痛

雪聲軒詩集卷八

高密 高 綱 薑田

握蘭集上

起巳酉二月  
至庚戌七月

兵部武選一司所掌八旗衛所土司駐防職官之  
事曹務繁雜實冠四司巳酉二月蒙

恩授尚書郎口筆區處竭履勿遑侍 直趨 朝奔馳

靡息昔楊誠齋一官為一集余初染蘭芬已廢吟  
咏方見古人風流才調為不可及也

贈吳郎中愚齋

雪聲軒詩集卷八

一

韋杜家聲世所推出林揔是不凡材雲霄移節應非晚  
省署含香正倚才鄉長援毫須論定吏人抱牘望塵來  
追陪最愛如蘭味朝罷春風並馬回

次韵答兩顧問疾四首

半年忽與故交踈日日趨 朝禁漏餘因病得閒今更  
好詩人咫尺作隣居

有疾隨身節節通無窮心事一緘中新詩讀罷頻搔首  
齒冷真同嚼雪風

舉杯不作海吞潮漸覺年來豪興消蕭灑輸君筋力健



雪中松樹挺孤標

蘭蕙寧教化作芻漫調石髓拭丹爐勸君眠食須珍重  
莫問郎官安穩無

附原作

查嗣卣

官忙出入無辰酉衝雨衝炎半載餘空說曹司好風  
月何曾因病得閑居

是身各有難除病即在安眠健飯中外感乍來君莫  
慮只須略避早朝風

詩筆平時似怒潮廢吟知尔恨難消從教悲火然心

雪聲軒詩集卷八

二

曲未必庸醫識本標

奴無飽飯馬無芻折脚鐺邊冷藥爐我作新詩問君  
疾不知可當藥材無

再疊前韻答兩顧

屈指交游幾輩踈惟君相對廿年餘不堪話我貧官况  
只欠移牀画省居

嬾從嚴叟問窮通五藏都開七發中和就新詩饒逸興  
披襟勝受吉祥風

漸減雄心似退潮吟情雖苦未全消惟君最得醫治法

先為尋源後察標

夜半傳詩謔益芻朝來吟唱茗添爐此中有味真良藥  
可要人來問疾無

夾竹桃二首索兩顧和

稜稜節欲比修篁灼灼花仍鬪靚粧借宅真宜伴高士  
仙源只恐悞漁郎一枝帶露春長在幾葉含風夏亦涼  
更喜不隨流水去笑他柳絮自顛狂

東風吹不到奇葩獨占芳時任客誇漢核漫期千歲熟  
湘烟猶帶一枝斜幽香詎宜輸梅馥晚節尤宜傍菊花

雪聲軒詩集卷八

三

雨露滋培應有意好同松栢傲霜華

車中同穎姪夜歸即次姪韵

載月同歸夜景妍依依長話減愁眠飛輪空惜趨塵日  
攬轡爭誇問志年忠孝仰思誰並駕詩書今望尔先傳  
叔癡自分渾無用要看他時駟馬旋

八月八日夜懷容民

鎖闈深處月明時料是揮毫綴色絲得雋本期君特達  
題書應諒我淹遲依依但計重來約脉脉還吟疊韻詩  
極目青山西北望不堪搔首苦相思

附同作

查嗣邵

砧杵聲催露冷時憶君夜月理機絲就衰門戶難為  
計但得科名未筭遲別後頻添殘夜夢冬來擬讀紀  
程詩白頭兄弟同心友長別秋燈話所思

報章

查師

踈狂本不計投時鏡裡從添兩鬢絲別院風傳花放  
好遙天霜壓雁來遲心銜千里飛騰望分減三秋唱  
和詩為報羅橫名未改只期重對豁離思

寄懷岳大將軍

雪聲軒詩集卷八

四

迢迢隴樹與關雲目斷空憐歲月分鈍拙慚呼小司馬  
飛騰遙憶大將軍邊沙難逐追風驪函省惟看挿羽文  
幾度寄書渾不達滿懷愁思更紛紛

偶出春明門

行行遠城闕便覺眼界殊馬嘶楊柳陌人問酒家胡秋  
雲翳薄陰不知雨有無但看黃塵外西山翠糝糊輪蹄  
紛雜沓來往競喧呼幾輩稱愛山興與烟霞俱我亦羈  
塵鞅心旌良江湖勝遊阻目前夕陽催歸途

寄懷兼三表兄子與兄曾有婚姻之約去歲俱

天殤聞兄以此抱病增劇故詩中及之

消息傳來倍愴神如君豈合向風塵半生結客黃金盡  
千里依人白髮新黯黯悲秋數行淚慊慊卧病幾經旬  
題書相問還相勸兒女無煩說往因

述懷四首

倦馬何心更絕塵忽傳給札奏 楓宸一官特換清華

地

綱需次郡守  
特改郎中

三殿榮陪獻納臣

每輪奏郎中  
在侍郎之次

天上

樓臺無限景日邊花柳不勝春自憐沙塞無媒客也向

烟霄置此身

雪聲軒詩集卷八

五

禁衛官都隸此司濫竽深恐玷清時同曹郎忝推為長

分部人慚視若師

近以各省保薦  
人員分部學習

學戒面墻聊讀律事

懲越畔少干私僉名署字長堆案歸馬城門鎖鑰遲

借得朝衣却稱身天街穩步不生塵敢諍官以含香貴

獨幸恩承

顧問新

同部四郎官侍班  
綱獨蒙上問及家世

竊祿本非題柱客同朝羞

對画眉人一麾不遣江湖去出侍

天顏入侍親

家聲累世歷卿班兄弟分曹並掌銓

仲兄箕谷初任掌  
史曹銓予今掌兵

曹銓四海共知門有戟一貧誰信坐無氈餐錢月給資朝  
嬰祿米秋支抵大田只愧詩狂兼酒癖思量何術答  
高天

送海鶴弟之任孟津四首

雁陣天涯次第歸鄉粉只許暫相依誰先養得霜翎健  
萬里今看海鶴飛

鑿坡親見爾新除

弟引適在

見日子

喜勝郎官拜

命初

聖代河清方有頌觀瀾樓上樂何如

樓在縣廳後登土則見黃河

雪聲軒詩集卷八

六

西南山郭與江鄉易地因材自一方

弟初選德化改授孟津

仰答

君恩隨處好栽花恰合滿河陽

捧檄遙迎白髮親九熊畫技想艱辛即將家事思民事  
珍重為民父母身

送楊礪夫倅平樂二首

豈是龔黃側畔人原官更駕日南輪伏鰲山色排巖洞  
上閘舟航歷要津木客似兕潛亦出猛人如鹿熟還馴  
知君懷抱多才思自有清風洗瘴塵

之官冬日還春日驛路山程復水程臘酒醉餘吳苑曉

江梅香發楚天清  
九衢相覓多塵事  
兩世論交見性情  
分手不禁生遠夢  
天南萬里舊曾行

兩顧借馬却應以車兼呈絕句四首

不向東家借蹇驢  
不彈長鈇歎無車  
為憐駑鈍猶堪策  
咫尺相將意肯踈

不是清羸病不支  
執鞭我亦更何辭  
君才豈止論千里  
熟路輕車到處宜

匹馬雙輪笑走丸  
銷磨芳歲又將殘  
輸君不肯尋常出  
一出人應洗眼看

雪聲軒詩集卷八

七

攬轡當年磊落胸  
勞薪此日興偏慵  
勸君莫作軒車看  
人海茫茫一釣舡

送同曹褚員外閣公赴滇南以道府補用二首

恢恢游刃羨兼才  
函省聲華望久推  
薦剡無私惟

帝簡風雲有路讓  
君開一麾大抵居  
千騎六詔還教領  
外臺駑驥本來難  
並駕別尊猶喜暫時陪

與君親比同舟客  
轍跡俄分萬里情  
春動馬頭新得地

署留紙尾舊僉名  
輕裘琴鶴看蕭灑  
沿路鶯花管送迎

想到滇南回首望  
點蒼東北即神京

喜舍弟伊垂得子

正值王侯臘光閤佳氣生雅宜蘭試浴貧乏錦裁綉我輩他年志兒曹此日情但聽霄漢上老雁足清聲

對雪口占

一冬都暖天無雪農人私計來年麥春頭臘尾陰連日滿眼如花復如蓆天公用意豈肯偏先為無衣後無食唐花附火休逞色留取清先作除夕

除夕齋宿署中

重城喧爆竹孤燭伴曹司饑歲風猶勁迎春雪故遲坐

雪聲軒詩集卷八

八

深宮漏外夢斷曉鐘時一念祈豐稔群情感

帝慈

為張若容壽

何幸南曹許接聯竹林早覺仲容賢一鳴初展凌風翮三翼看乘下水船舊德舊家遺韻在新年新月逐弧懸看君才地清如許比似梅花得氣先

庚戌正月六日

太和殿早朝

斗柄春回禁漏賒袍花集處耀朝霞九重殿閣開千戶萬國珪璋共一家雲裡靜聞仙樂細風前微度御

烟斜

帝心自與天心合，雨露應知歲有加。

兩顧招飲

交情廿載結綢繆，一醉今嗟未易謀。  
燈火對君深夜坐，酒錢為我隔年留。  
乍醒噩夢聊成笑，久滯清曹只辦愁。  
不是春風披拂好，憑誰早晚豁雙眸。

逸兩顧小飲因病不至以蔬食餉之荷贈長律  
次韵奉答

卧病何堪習故常，劇憐佳會少清狂。  
詩歌觸處還相贈

雪聲軒詩集卷八

九

甘苦從來是共嘗，春至徒添雞肋嘆。  
雪消初覺韭牙香，此中領略誰差勝。  
君太脩閒我太忙。

打碟子歌

絲管紛紛爭抑按，中有清音為交貫。  
蘆笙銅椀何足筭，耳底新聲聽未慣。  
官均定汝成宣嘉八音，以外器初見牙籌一雙盤。  
一面當筵拾取其便，手中反覆諧宮商。  
指法低昂看歷亂，丁丁清勝鐵撥彈的的。  
細逐歌喉嚀幽處，群仙環珮來急時。  
飛電瑤階濺，輕鼓漫點斷復聯。  
萬顆明珠瀉一串，土堦瓦釜古豈無。  
聽到倦時思變換。



娛人淫巧日趨新一技專工竒自街旁觀爭欲借前籌  
坐客滿堂皆拍案莫拋檀板廢笙鏞擲地自與金石判  
惜別行送張主政靜菴赴江南

相逢恨晚惜別早為君喜傷余抱君真無瑕玉反覆看  
愈好讀書養志仕宦前看花長安正壯年一官雖歷百  
僚底論議往往居人先同曹對風月豈止稱莫逆畢竟  
才難抑去理江南楫春明柳燕市酒繫君馬執君手交  
朋道義寧多得江湖浩渺情何極願君努力培風翼歸  
鴻為我傳消息

雪齋軒詩集卷八

十

新移書室

只在蝸廬一轉移詩書位置覺相宜病妻隔院晨炊早  
稚子分燈夜讀遲人海可無塵少處郎官賸有夢閒時  
乾坤眼界休嫌窄心地寬於萬頃池

二月廿五日即事偶成

大風徹夜聲磅礴起著朝衫如紙薄漫漫急雪滿春空  
可惜因風無處著矐矐日出暖猶昨千變須臾堪一噓  
桃李紛紛自開落風雪非緣妬花作

王員外舒亭招遊陶然亭兼呈兩顧桐村

同曹何必待招呼但說登臨便與俱南陌停車旋載酒  
西山到眼勝披圖雪消沙渚蘆芽長烟合春城梵磬孤  
却笑往時多暇日幾番有約到曾無

戊申夏日曾約兩  
顧桐村同游不果

送家兄質谷赴秦中

又入秦關百二重莫因離緒減歡悰由來世澤知無限  
如此

君恩豈易逢節過天中傾艾酒翠迎馬首指蓮峰郎官  
安穩無奢望只望頻開遠信封

又次兩顧送行韵一首

雪聲軒詩集卷八

十一

秋風將落葉征馬嘶一匹此行喜氣多非比尋常別未  
免關至情那能禁觸撥憶昔屢送行惟期副名實歷官  
二千石宵營一畝秫才鋒更磨淬遇事自湧潑鄉相皆  
人為努力諒可必試看力田翁春種秋自獲行囊何所  
有枕簟即長物所望得風謠此盈償彼缺嗟我真素餐  
歲月驚飄忽無能展一籌酒後但耳熱少小劇放狂今  
悔每咋舌君採十文蓮我以寸心掇

附原作

查嗣卣

行裝薄如葉征馬無幾匹匆匆銜命去執手喜此

別

君恩如雨露自葉流根撥豈徒滋光榮要使成茂實  
譬彼玉山禾嘉種非凡稊立苗在良田風葉秀如潑  
三時苟不力一飽且難必惟賴耕耨勤倉箱斯有穫  
上以報蒼穹下以濟民物于焉分祿米甘旨各無缺  
是皆在人為尺寸不可忽我成游情民念此常內熱  
臨歧無可贈只掉三寸舌狂言如諫果有味期採掇  
病中荷張若容以南蔬相餉率賦絕句四首謝

之

雪聲軒詩集卷八

十二

遠分鄉味勸加餐地主翻慚却少恩大嚼頓忘脾病劇  
滿懷風露盞吟魂

貧家風味笑何堪櫻笋厨餘掛壁籃食指朝來非妄動  
昨宵清夢到江南

冷淡交情久愈真恰如張翰憶鱸蓴即叨菜把尤珍重  
知我原非肉食人

塵海曾無一畝園曹司風月莫深論人間甘苦嘗都徧  
正味終當屬菜根

曹吏張海除榮經尉來乞詩

張生年少才翩翩，衆中我獨知其賢。除官不忍別我去，惆悵難教留。且住莫計升斗嘆，微祿蠻布山稅良。易足亦莫迫，遙愁遠棧羊腸鳥道今平坦。西川士馬聲遐播，凱唱還從孟山過。急須策馬拂征衫，兵曹父歷多所諳。王事努力各隨分，誰言必待雲霄近。不應如我頑且癡，歲時画省空委蛇。吾家三十五可師，脫身簿尉持旌麾。送徐桐村編修請假南歸四首

六年還往最情親，同調如君得幾人。檢點琴書將去國，蒼茫烟水早馳神。吟聯愛弟輕千里，年憶高堂正六旬。

雪聲軒詩集卷八

十三

何待秋風乞歸去，此行知不為鱸葦。

路河晨發水風清，兩岸垂楊繫別情。館閣升華辭座主，

湖山迎謁有門生。君典試西江，兩得士有在杭學習者。綵衣獲展承顏志，籬

鳳還多繞膝聲。此樂人間真不易，揆天何止重文名。

倒篋傾筐我不辭，復苓何計得相資。加餐珍重祈前路，

痛飲淋漓指後期。只有家難償舊諾，時以指畫為贈更將里曲

博新詩。知君不獨憐同病，應諒貧官食粥時。

明知不過經年別，奈此秋懷春憶何。遙夜相思明月落，

夕陽凝望暮山多。班行坐次誰同列，國制翰編與部郎同坐一班風

兩吟邊孰和歌莫戀東山渝後約明年準擬上鑿坡

送徐書年孝廉同令兄桐村南歸二首

早有文章入選樓一官未肯逐時流掉頭燕市黃塵暮  
洗眼關河碧樹秋烟水蒼茫清可濯堦筮酬唱白還浮  
何人得似還鄉樂不信長途有旅愁

柘湖菱熟蟹初肥秋水船因定省歸名士弟兄聯璧少  
華堂孝友一門稀論交早晚無深淺惜別情懷有歎歎  
萬樹垂楊渡不盡雲天月斷雁行飛

桐村將發因病少留再賦三十韻贈之

雪聲軒詩集卷八

十四

君初折桂枝全家送上船今暫別蓬萊送君全家還讀  
書奮功名十載志何堅方今正壯盛貧病亦偶然况聞  
辭大臣殷勤惜才賢預訂重來期中秋月再圓所嗟歷  
長途藥畧誰為傳心旌已搖曳蹤跡還留連我亦抱沈  
疴而無清靜緣煩過戀情話惆悵意未宣丈夫愛此身  
豈不如僧禪富貴何足道所要全其天高堂俱輕健華  
髮未滿顛吹篴有愛弟藝苑早騰騫繞膝二雛鳳解誦  
周召篇人生至樂中萬事重一肩何物此二豎乃得相  
糾纏揆枕一闌頭水路逾三千新秋風物涼衣被須著

綿江鄉鮭菜賤菱藕逐時鮮雲水行可玩詩酒何足捐  
好卸無恙帆揚柳舊門前宮袍映里閑綵服舞庭筵此  
時應念我獨聽幽蛩眠吟成無與和飛夢還相牽木葉  
欲飄墮雁陣來聯翩題書不自禁所異頭風痊更恐君  
或忘丁寧向書年

夏日病中襟詩六首

一室纔斗大打頭妨欠伸風不入戶牖日乃照牀茵夕  
陽西下遲如添釜底薪展簾困僵卧何異曝腮鱗世有  
華堂客亦有露處人我校為得中念此慰吟呻

雪聲軒詩集卷八

十五

前年當夏初賃舍古寺旁依僧門巷靜得樹窓几涼種  
花煎蒔藥病骨欲漸強逋租易山積典衣苦莫償倉皇  
移榻去回首感歎長此地差清幽乃猶不可常

書生不自量弱冠學請纓短衣風前裂長劍匣中鳴青  
海喜奏績薰面嗟無成貧賤歸故鄉豈料蒙

恩榮含香起新草司馬沿威名報稱復何事紙上目談  
兵

蚤出日未生晚歸日欲沒家無半日居門無一刺謁落  
落走風塵紛紛見識板多病始悔狂長貧終用拙讀書

懷古人交態堪愁絕  
不入時工蛾眉猶見嫉  
東門有行客不著短後衣  
大江潮正滿帆帶秋雲飛  
載途樂兄弟到家拜庭闈  
扶頭強送別執手各淚揮  
同病更相憐舊容我已非  
恩重忍乞身乞身將安歸

剝啄誰叩門  
山客偶入城  
琴書久已罷  
伏枕不得迎  
牀頭瓶亦罄  
欵曲通茶鐺  
為說上房山  
幽邃復崢嶸  
諸峰寺前立  
十里溪中行  
語罷寢已熟  
遠夢尋鐘聲

病中夜起

誰家蹄荒雞驚我幽夢斷  
懸知秋期近不覺刻漏短  
仰

雪聲軒詩集卷八

十六

見星斗稀月下吟蛩滿  
點滴露華濃  
絳衣試新浣  
扶杖起巡檐  
倚柱時一歎  
詩思靜中生  
惜少知音伴  
叩門不可沽  
敲火淪茗盤  
吸此一夕清  
瘴我終年  
懣憶自莅曹司風月誰勾管  
催上早朝燈  
塵土不及盥  
入夏苦病魔方藥無力纂  
伏枕諒無為  
攬鏡幸辭痼  
每愁當關急敢效褒衣緩  
張弛豈偶然  
天放今宵嬾  
微聞門外喧  
合指爭塗坦  
回看阜樞中  
我馬方嚼稗

北鄰

北鄰人去成空館  
嘈雜誰來鬪絲管  
白汗揮消炎晝長

紅燈燒送清宵短玉笛聲殘洞簫續銀箏絃絕琵琶促  
宛轉情傳懊惱歌悲涼腸斷關山曲吳儂高唱相遷迤  
只欠櫓聲拖淥水忽弹出塞變商音猛士應教帳中起  
更闌入破語分明侯門在昔都知名尊前坐聽今幾人  
徒誇十指能千聲忍飢聊共樂晨夕吳市愁難容乞食  
語罷長嗟轉無力月色紛紛蠹唧唧

次韵答容民見寄

心輕別經歲所恃踐一言事固預難料情乃素共敦迨  
遙溯巴峽間關過秦原如水交漸深何異連枝昆酒燈

雪聲軒詩集卷八

十七

照棋雨筆陣開詞源回首憶歡賞屈指計朝昏十年幾  
聚散璋圭應篋墳云可暫歸鄉行復來都門風波方見  
膽離索尤消魂臚底馳遠信滿懷鄭重恩榜下制清淚  
猶滯鵬高蹇相聞馬融帳不遠柴桑藩講席詎易奪釣  
石終難溫後期我苦悔前盟君豈諼狂夫走風塵聊比  
駒服轅老親罷朝謁將卧郭外村讀書承世澤舍子今  
望孫懸知情義篤忍厭舟車煩深春驛樹暗入夏檣風  
暄青燈花爛熳黃鳥鳴翩翩筭程期握手怪僕獨回奔  
寸心結未解尺素案空存閒雲終出岫海鶴肯在樊飛



書鴻與寄解榻蟲對捫吟仍和瘦島飲還留醉髡離恨  
兩心知及見安用論

附疊韻寄答

查師

風雅關至性金蘭重苦言於君知此義在遠情弥敦  
君才本無敵夙昔駕平原竊忝託賓主猥容聯弟昆  
一見忘形跡再見識心源效效論舊雨忽忽閱朝昏  
已忘膠投漆官厭麓和埧憐我懷鄉土送我出國門  
期我重把袂免教愴離魂一別遽改歲忍辜良友恩  
抱疴傷寂莫矯首真騰鶩名方冠曾署出合表屏藩

雪聲軒詩集卷八

十八

倘邀廣厦庇庶回恭谷温長才君未展前諾我寧謖

愁中穿望眼意外聞歸轅

徐桐村

迢迢枉尺牘鄭重附

桐村和章驚雲錦巧製奪天孫三復情文佳一條心

慮煩朗然照古道藹若被春暄恨身乏羽翼欲往難

飛翻殘年復無幾眼看如流奔遙憐好弟兄一榻為

我存頻掃攤書屋容補護花樊對飲宜愁消得飽任

腹捫家兄興仍豪髻髮諒未髡唱酬緣不淺渴思互

討論

秋夜偶成

入夜謝塵鞅愛此長短更熒熒一燈前秋雨時有聲雨  
止亂蛩咽燈殘螢花輕心空俗慮斷境寂詩思生舊癖  
一來復新趣安能名興發忽高唱語出或自驚忘機洵  
足樂何必定詩成

雪聲軒詩集卷八

雪聲軒詩集卷八

